

CONVENIO DE COLABORACIÓN ENTRE A AXENCIA DE TURISMO DE GALICIA E O GRUPO DE DESENVOLVEMENTO RURAL LIMIA-ARNOIA PARA A EXECUCIÓN DE ACTIVIDADES DE PROMOCIÓN TURÍSTICA NO XEODESTINO ALLARIZ-MACEDA

O xerente de Turismo de Galicia

DECLARA:

Que esta Axencia de Turismo de Galicia formalizou co Grupo de Desenvolvemento Rural Limia-Arnoia o instrumento convencional arriba referido por un período de vixencia que abrangue dende o día seguinte da súa sinatura ata o 31 de decembro de 2026.

Que o instrumento convencional ten por obxecto establecer as bases de colaboración entre a Axencia de Turismo de Galicia e o Grupo de Desenvolvemento Rural Limia-Arnoia para a subvención de actividades relacionadas coa promoción, dinamización e fomento do turismo no xeodestino Allariz-Maceda que inclúe a realización das actuacións nas seguintes liñas de acción:

		ORZAMENTO	MÁXIMO ATG	ENTIDADE BENEFICIARIA
LIÑA DE ACTUACIÓN A: PLANIFICACIÓN, CREACIÓN E CONSOLIDACIÓN DE PRODUTO				
Actividade A.1	Micro vídeos de arte local/rural e fotográfico e dixital	5.000,00€	4.000,00€	1.000,00€
Actividade A.2	Imaxe de premios e difusión	2.250,00€	1.800,00€	450,00€
LIÑA DE ACTUACIÓN B. COMERCIALIZACIÓN, PROMOCIÓN E DIFUSIÓN DO PRODUTO TURÍSTICO NO XEODESTINO				
Actividade B.1	Premio "Destino das Artes"	10.000,00€	8.000,00€	2.000,00€
Actividade B.2	Evento "Destino das Artes" en Vilar de Barrio	6.000,00€	4.800,00€	1.200,00€
LIÑA DE ACTUACIÓN D: NOVAS TECNOLOXÍAS APLICADAS AO TURISMO				
Actividade D.1	Actualización web e RRSS do xeodestino	8.000,00€	6.400,00€	1.600,00€
TOTAL		31.250,00 €	25.000,00 €	6.250,00 €

Que existe converxencia de intereses entre as entidades asinantes en orde á consecución obxecto referido.



Que o instrumento convencional que se pretende asinar se **fundamenta** no seguinte:

Primeiro.- Que o artigo 148.1.18 da Constitución establece como competencias da Administración Xeral do Estado que poderán asumir as Comunidades Autónomas, a relativa á promoción e ordenación do turismo no seu ámbito territorial.

Que a Comunidade Autónoma de Galicia ten competencias, con carácter exclusivo, tal e como se desprende do contido do seu Estatuto de Autonomía, en materia de promoción e ordenación do turismo dentro da Comunidade (artigo 27.21).

Que a Axencia Turismo de Galicia, segundo o Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos, ten como obxectivo, impulsar, coordinar e xestionar a política autonómica en materia de turismo e, en especial, a promoción e a ordenación do turismo dentro da comunidade.

Para lograr esta finalidade a Axencia Turismo de Galicia, acomete no ámbito das súas competencias, un decidido apoio á promoción e fomento do sector turístico de Galicia a través daquelas actividades que lle permiten acadar os seus obxectivos.

Segundo.- Que o Grupo de Desenvolvemento Rural Limia-Arnoia está integrado polos concellos de Allariz, Baltar, Bande, Baños de Molgas, A Bola, Os Blancos, Calvos de Randín, Celanova, Entrimo, Lobeira, Lobios, Maceda, Muíños, Porqueira, Quintela de Leirado, Rairiz de Veiga, Sandiás, Sarreaus, Taboadela, Trasmiras, Vereas, Vilar de Barrio, Vilar de Santos, Xinzo de Limia e Xunqueira de Ambía.

Que o xeodestino Allariz-Maceda está composto polos concellos de Allariz, Baños de Molgas, Maceda, Paderne de Allariz, San Cibrao das Viñas, Taboadela, Vilar de Barrio, Vilar de Santos e Xunqueira de Ambía.

No Grupo de Desenvolvemento Rural Limia-Arnoia son conscientes de que a marca turística que debe ser promocionada é a correspondente ao ámbito territorial do xeodestino Allariz-Maceda, polo que todos os concellos que integran o xeodestino serán beneficiarios dunha ou varias actividades enmarcadas neste convenio.

Terceiro.- Que co obxecto de promover o turismo no xeodestino Allariz-Maceda as partes consideran esencial colaborar na execución deste convenio xa que se trata dunha





acción de interese común, cofinanciada por ambas partes e con beneficios conxuntos. Todo isto englóbase ademais, no eido competencial da Axencia de Turismo de Galicia.

Cuarto.- Que a Lei 7/2011, do 27 de outubro, do turismo de Galicia ten entre as súas finalidades potenciar a oferta turística galega, a través de medidas de fomento que permitan modernizar e profesionalizar o sector turístico e as súas infraestruturas, e mellorar a calidade e a competitividade da oferta turística. Con esta finalidade regúlanse na devandita lei os xeodestinos.

A lei define, no seu artigo 23, como xeodestinos turísticos as áreas ou espazos xeográficos limítrofes que comparten unha homoxeneidade territorial baseada nos seus recursos turísticos naturais, patrimoniais e culturais, con capacidade para xerar fluxos turísticos e que, xunto á súa poboación, conforman unha identidade turística diferenciada e singular. Os xeodestinos terán un especial protagonismo nas accións de promoción turística da Administración autonómica. Poderán ser utilizados, tras a súa creación, tanto por entidades públicas como privadas, sempre dentro da marca turística global «Galicia» e sen que poidan empregarse como nome comercial, rótulo de establecementos ou vehículos e marcas de bens e servizos.

Na Estratexia de Turismo de Galicia 2030, de acordo coa liña estratéxica 6. *Gobernanza do destino*, concretamente no medida 6.4 *Cooperación pública e interadministrativa*, apoiarase a cooperación cos destinos supramunicipais a través de convenios específicos cos xeodestinos. Considérase moi importante o papel da administración local no mantemento e a xestión do territorio, pola súa natureza e proximidade, polo que se desenvolverán convenios coas entidades locais para actuacións sobre temáticas específicas.

A través deste convenio, outórgase ó Grupo de Desenvolvemento Rural Limia-Arnoia unha subvención directa en virtude do disposto no artigo 19.4 c) da Lei 9/2007, do 13 de xuño, de subvencións de Galicia, polas razóns de interese público, social, económico e humanitario expostas nos puntos anteriores que dificulta a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.



En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela
O xerente de Turismo de Galicia

Antonio Casas Calviño

